

Kleine Familien- und Dorfgeschichte von Martin Schneider,
Oberaussem, Januar 1961

Original-Abschrift mit Ergänzungen von U. Reimann, April 2010

Lobgesang auf die Heimat

Verfasst: 1950

Worte von M. Schneider

Melodie: Webers Kling Kling - Walzer

1. Och lev Löck fällt dat net op
Alles wihd besongen
Gecke glöfft, ich wädde drop
Mir han et gefongen.
Ostermann besong dr Rheng
Ebeler dat Öllig.
Hört et koß uns ja ken Peng
Denn et eß uns hellig
Emol ze sengen van unserem Dörp:
Refrain: Lev Overoßem wat böß du schön
Jo du häß Bösche, Täler un Höh`n
Lecker Schabäusche wihd he gemäht
Dä bestemp och dä Griesgrämmer schmäht.

2. Mir hin wat uns Hetz begehrt
Vun Natur us alles
Berg un Dahl un Bösch un Heed
Gill- un Bunnebache.
Dröm sin mir stets fruh gesennt,
Donn och Klütte mache.
And`re fellt dat ganz bestemp
Dröm dunn die nit lache.
Dröm wolle mir höck rech gemütlich senn.
Refrain: Lev Overoßem

3. Mir han he, dat eß en Prach
Klubs un och Verene,
Ener singk, und dä spillt Schach
Dä tritt Bäll met Föße,
Dä wirp op de hölzer Penn
Dä spart für ze sterve.
Dä trick Geste, dä trick Kneng,
Schön ess doch dat Levve.
Dröm senge mir jetz möt löstigem Senn:
Refrain: Lev Overoßem

4. Für die Dörpvereine han
mir he schön Lokale.
Seht üch doch de Saal ens ahn,
Dren künnt ihr üch labe,
Stets es et gemütlich dren,
bei em lecker Mäus`che.
Alles säht, mer gon net hem,
Männche un och Fräuche.
Dröm sengen mir jetz met kräftiger Stemm:
Refrain: Lev Overoßem

5. Sind doch he die Mädcher schön
Luter Lockeköppche,
Och noch tapfer danz die Möhn
Driecht sich wie eh Pöppche.
Jong Trabante brav un nett
Han mer he em Örtche.
Och der Ühm kütt ganz adrett
En dem Usgangsjöppche.
Dat all zesamme dat mäht uns vill Freud:
Refrain: Lev Overoßem wat böß du schön
6. Buhreh ah mer groß un klen
Die han Köh un Ohße.
Losse net für sich alleen
Lecker Sache waße.
Decker noch wie Katzeköpp
Trecken die jo Äpel
Rut un weiße Kappesköp
Dovun kann mer läfe.
Dröm sengt zu Ihre der Buhre jetz möt:
Refrain: Lev Overoßem
7. Un wat wird dat demnächst schön
An dem Schellberg wähdn,
Blöhn dann do die Fliederböm,
Tulpe, Ruse, Nelken,
Kener wird vorbei dran gon
One flott ze packe
Sich en Nas vun jeder Blom
Öm sich dran zu labe.
Dröm senge mir all jetz us Herzenslust:
Refrain: Lev Overoßem
8. Wellt ihr op der Maskenball
En der Fastelooovendszeck
Dann herrsch doch op jeden Fall
He für üch Gemötlichket.
Selde fengkt ihr en nem Saal
Su vill lecker Mädcher,
Jonge he künt ihr üch satt
Bützen op die Mönkcher.
Dröm sengen mir jetz voller Fröhlichket:
Refrain: Lev Overoßem
9. Dat et wohr de hühste Zeck
An oß Dörp zu denke
Dat begrief doch jeder jetz
Denn mir kann et merke.
Schöns es op dem Erdenrund
Wat mir han besungen.
Dat, wo ens die Weg jo stund
Wird für schön befunden.
Dröm denkt an die Heimat un sengt kräftig möt:
Refrain: Lev Overoßem